



佢安到麼个名

佢姆差毋多九十歲咧，這一、兩年來，人無恁有元氣，記性也緊來緊毋好，長下連妹仔个名就喊毋出。看著恁樣，佢兩姊妹當掛吊，一到寮日，就湊等轉去看老衰仔。

有一日，摺往擺共樣，佢兩姊妹一落門就煞煞問：「阿姆，佢安到麼个名？阿姆，佢安到麼个名？」佢姆分佢兜問到無結無煞，對嘴就應：「你兜還生趣哦，自家安到麼个名斯毋知，仰般緊問佢！」佢聽著，毋知愛笑抑係愛噉正好。阿姆啊！你仰會喊毋出佢个名呢？佢爸在脣頭啟下大氣搖頭講：「你兩姊妹个名還係若姆擇(tog)幾久正安个，仰般這下嘎全想毋起來咧！」係啊！佢姆一旦就惜子，佢兩姊妹係佢心肝肚最寶貝个珍珠，所以佢摺佢安到「寶珠」，老妹安到「美珠」。佢兩儕也盡增志，從細就認認真真讀書、實實在在做人，佢姆見講著這兩個妹仔，就盡沙鼻，佢兜係佢正正个「寶珠」摺「美珠」，這下仰會毋記得呢？

一溜里來，隔壁鄰舍就阿腦佢姆个頭腦好、記才乜好，佢一儕人就做得摺一間雜貨店个數(sii)捍到好勢好勢，還做得摺所有親戚朋友个電話記在頭那肚。毋過，毋知哪時開始就無共樣咧，先係看佢去買菜轉來，毋係菜無拿著，就係錢少忒，佢長下頂確佢老癩陳咧係無？過了，就聽佢講對門个人緊喊佢老弟个名，佢又笑佢：「無影無跡，仰般佢耳空好好个人聽毋著，你耳背背个人聽恁清楚！」佢全無想著一直頭腦恁好、恁精靈个阿姆係身體出問題咧。等到渡去分先生看，正知得著「失智」个症頭。這下想起來，特別痛心！

從細到大，佢姆就像一叢摺子女遮風抵水个大樹，有佢个保護，佢兜毋使愁食也毋使愁著(zhog)，日仔過著幸福、滿足。顛倒轉來看，佢兜乜係佢恁多十年來生活个重心，精神个寄託，佢兜離毋開佢，佢乜捨毋得佢兜。半夜無胚著，佢會摺喊了幾下十年个子女个名仔毋記得。到這下，佢斯想愛摺佢講：「阿姆！你毋記得佢兜个名無要緊，最重要个係，你愛摺佢兜个容貌認真真、記好好，毋好連子女你嘎毋識啊！」

作者：張美容

☆詞彙學習☆

【長下】chong ha+：常常。

【先先】sen` sen`：起先；首先。

【抑係】rhia+ he`：或者。

【老癩陳】lo` dien` dung`：老糊塗。

【啟下大氣】teu` ha+ tai+ hi`：嘆了一口氣。

【認真真】ngin+ zhin` zhin`：認清楚。

【一旦】rhid` dan`：一向。

【捍】hon+：守護。

☆文法學習☆

【還生趣】han sen` ci`：很奇怪。「生趣」有二義：一為有趣；另一為奇怪。

例1：這本故事書當生趣。（這本故事書很有趣。）

例2：你這隻人還生趣，仰般講就毋會分醒。（你這個人很奇怪，這麼說都不會覺悟。）